

Contra Babylonem prophetaus Jeremias ait: Reddite ei secundum opus suum, juxta omnia, quae fecit, facite illi. *Jer. 50.*

Jubente Dario rege, viri, qui accusaverunt Danielem, missi sunt in lacum leonum, & non pervenerunt usque ad pavimentum, donec arriperent eos leones, & omnia ossa eorum comminuerunt. *Dan. 6. & 14.*

Fecit populus duobus presbyteris senibus, qui inique accusaverunt Susannam, sicut male egerant adversus proximum, & interfecerunt eos. *Dan. 13.*

In eodem loco, in quo Andronicus injuste occiderat Omiam summum sacerdotem, fecit eum vita privari, purpura prius exutum, Antiochus. 2. *Mach. 4.*

Impius Jason, qui insepultos abjecerat multos, ipse illamentatus & insepultus abjicitur, nec propriam nec peregrinam habuit sepulturam. 2. *Mach. 5.*

Antiochus homicida & blasphemus pessime percussus, utque ipse multos tractaverat, peregre in montibus miserabili vita defunctus est. 2. *Mach. 9.*

A servo nequam, qui noluit dimittere converso suo centum denarios, merito repetit Dominus universum debitum, quod liberaliter prius dimiserat illi. *Matth. 18.*



## L.

## Labor.

Tulit Deus hominem, & posuit eum in paradiso voluptatis, non ut otiosus, etiam in statu innocentiae, in illo degeret, sed ut operaretur, & custodiret illum. *Gen. 2, 15.*

Dixit Dominus Adae: maledicta terra in opere tuo: in laboribus comedes ex ea cunctis diebus vitae tuae. In sudore vultus tui vesceris pane, donec revertaris in terram. *Gen. 3, 17.*

Deus destinavit sex dies in hebdomada labori, cum dixit: sex diebus operaberis, & facies omnia opera tua. *Exod. 20, 9.*

Jacob assiduum suum laborem recenset Laban, dum ait: die noctuque aestu urebar & gelu, fugiebatque somnus ab oculis meis. Sicque per viginti annos in domo tua servivi tibi. *Gen. 31, 40.*

Abiathar Sacerdoti dixit Salomon: equidem vir mortis es, sed hodie te non interficiam, quia portasti arcam Domini Dei, & sustinivisti laborem in omnibus, in quibus laboravit pater meus. 3. *Reg. 2, 26.*

Anna uxor Tobiae ibat ad opus textrinum quotidie, & de labore manuum suarum victum, quem consequi poterat, deferebat. *Tob. 2, 19.*

Mulierem illam fortem, & genere illustrem laudat Salomon: Quaesivit laeam & linum, & ope-

operata est in consilio manuum suarum. De nocte furrexit; deditque prædam domesticis suis, & cibaria ancillis suis. De fructu manuum suarum plantavit vineam. Manum suam misit ad fortia, & digiti ejus apprehenderunt fufum. Panem otiosa non comedit. *Prov.* 31.

Indicat Deus populo per Prophetam Aggæum, quod plurima mala venissent super eos, eo quod non admovissent manus suas ad edificationem templi. *Agg.* 1.

Christus videns laborantes discipulos in remigando, venit ad eos super mare. *Marc.* 6, 48.

Paterfamilias laborantibus in vinea mercedem solvit. *Matth.* 20.

Christus manifestat se discipulis laborantibus. *Jo.* 20.

Paulus veniens Corinthum, & inveniens ibi Judæum nomine Aquilam, & Priscillam uxorem ejus, accessit ad eos, & quia ejusdem erat artis, manebat apud eos, & operabatur: (erant autem scenofactorie artis) *Act.* 18.

Idem de se testatur: ipsi scitis, quoniam ad ea, quæ mihi opus erant, & his, qui mecum sunt, ministraverunt manus istæ. Omnia ostendi vobis, quoniam sic laborantes oportet suscipere infirmos. *Act.* 20, 34.

Idem de se & sociis suis scribit ad Thessalonicenses: memores estis, fratres, laboris nostri: & fatigationis: nocte ac die operantes, ne quem vestrum gravaremus, prædicavimus in vobis Evangelium Dei. *1. Theff.* 2, 9.

Idem

Idem pronuntiat: Si quis non vult operari, non manducet. *2. Theff.* 3, 10.

## Lachrymæ &amp; sletus.

**F**levit Agar, longe ab Ismaele discedens, nec voluit videre puerum morientem. *Gen.* 21.

Eiulari magno flevit Esau, quod benedictionem patris habebat Jacob. *Gen.* 27.

Venit Abraham, ut plangeret Saram uxorem suam defunctam. *Gen.* 23.

Elevata voce, flevit Jacob, postquam recognoverat Rachel consobrinam suam. *Gen.* 29.

Stringens Esau collum Jacob, & osculans eum flevit. *Gen.* 33.

Scissis vestibus Jacob indutus est cilicio, lugens filium suum multo tempore. *Gen.* 37.

Commota fuerunt viscera Joseph super fratre suo Benjamin, & eruperunt lachrymæ, & introiens cubiculum flevit. *Gen.* 43.

Elevavit vocem Joseph cum sletu, & dixit fratribus suis: Ego sum Joseph. Idem flevit super patre suo mortuo. Iterum flevit fratribus eum rogantibus, ut oblivisceretur peccati in eum commissi. *Gen.* 45. & 50.

Vulgus promissum, quod ascenderat ex Ægypto, flagravat desiderio carnum, sedens & flens ait: Quis dabit nobis carnes ad vescendum? *Num.* 11.

Vociferans omnis turba, flevit, murmurantes & dicentes: Utinam mortui essemus in Ægypto. *Num.* 14.

S 3

Omnia



Omnis multitudo videns occubuisse Aaron, flevit super eo triginta diebus. *Num. 20.*

Filii Israel Moysen mortuum flevērunt triginta diebus. *Deut. 34.*

Angelus Domini venit ad locum fletium, & improperavit filiis Israel beneficia, quæ a Deo receperunt, & peccata, quæ commiserunt, & levaverunt vocem suam, & flevērunt. *Jud. 2.*

Pugnaturi filii Israel contra filios Benjamin, flevērunt coram Domino. *Jud. 20.*

Et postmodum, obtenta victoria, flevērunt propter destructionem fratrum suorum. *Judic. 21.*

Recedente Noëmi, nurus ejus flere cepit. *Ruth. 1.*

Oravit Anna Dominum, fletus largiter. *1. Reg. 1.*

Audita obfidione Jabes Galaad, levaverunt vocem filii Israel, & flevērunt. *1. Reg. 11.*

Lugebat Samuel Saulem, quoniam Dominum pœnitebat, quod constituisset eum in regem. *1. Reg. 15.*

David & Jonathas osculantes se, flevērunt pariter. *1. Reg. 20.*

Saul audiens vocem David, qui pepercerat ei, elevata voce flevit. *1. Reg. 24.*

Videns David civitatem Siceleg esse succensam, & abductos homines inde captivos, planxerunt ipse & populus, qui erat cum eo, donec deficerent in eis lachrymæ. *1. Reg. 30.*

Planxit David super Saul & Jonatham, & alios interfectos. *2. Reg. 1.*

David

David & omnis populus flevērunt super Abner, quem occiderat Joab. *2. Reg. 3.*

Noluit David flere pro filio parvulo mortuo, & tamen flevit pro infirmo. *2. Reg. 12.*

Quamvis Absalon exhibuerit se pessimum erga patrem, tamen David flevit eum miserabiliter mortuum. *2. Reg. 18.*

Elifæus videns Azaem coram se, cepit flere, propter mala, quæ ille erat facturus filiis Israel, cum ipse esset futurus rex Syriæ. *4. Reg. 8.*

Flevit Ezechias fletu magno, orans Dominum pro morte, quam sibi imminere in proximo putabat. *4. Reg. 20.*

Cum audisset Josias rex Juda comminationes scriptas in libro Legis Domini propter peccata, scidit vestimenta sua & flevit, & multum Deo placuit. *4. Reg. 22.*

Cum reedificabatur templum ab iis, qui redierunt de Babylone, non poterat quisquam agnoscere vocem clamoris lætantium, & vocem fletus populi. *1. Esd. 3.*

Orante Esdra & flente, propter commixtionem populi gentilis cum Judæis, collectus est ad eum cætes grandis virorum & mulierum, & flevit populus multo fletu. *1. Esd. 10.*

Cum audisset Neemias miserabilem statum civitatis Jerusalem, flevit diebus multis, & jejunabat, & orabat ante faciam Dei cæli. *2. Esd. 1.*

Tobias manducavit panem cum luctu & tremore, quia corpus jugulati proximi in domo habebat, quod nocte sepelire volebat. *Tob. 2.*

S 4

Postea

Postea auditis sermonibus uxoris, ingemuit, & cepit orare cum lachrymis. *Tob. 3.*

Sara filia Raguelis, audita ab ancilla gravi contumelia, oravit ad Dominum cum lachrymis, ut ab illo improprio eam liberaret. *Eodem.*

Cum recessisset a parentibus suis Tobias junior, cepit flere mater ejus, & dixit: baculum senectutis nostræ tulisti. *Tob. 5.*

Moram faciente Tobias, flevit Mater ejus irremediabilibus lachrymis, atque dicebat: Heu mihi, fili mi, ut quid te misimus peregrinari lumen oculorum nostrorum &c.? *Tob. 10.*

Raguel cognoscens Tobiam juniorem, cum lachrymis osculatus est eum, & ploravit super collum ejus. *Tob. 7.*

Veniens Gabelus ad domum Raguelis, & videns Tobiam juniorem discumbentem, flevit & benedixit eum. *Tob. 9.*

Exurgens cæcus Tobias, occurrit filio suo redeunti, & suscipiens osculatus est eum cum uxore sua, & ceperunt flere præ gaudio. *Tob. 11.*

Cum exposuisset Achior omnia, quæ dixerat Holofernes, omnis populus communi lamentatione & fletu, unanimes preces Domino effuderunt. *Judith. 6.*

Factus est fletus & ululatus in Ecclesia, per multas horas una nocte clamaverunt ad Dominum, dicentes: Peccavimus cum patribus nostris. *Judith. 7.*

Stetit Judith ante lectum Holofernis orans cum lachrymis, ut Deus id, quod cogitabat, perficere dignaretur. *Judith. 13.*

Cum

Cum audisset Mardocheus iniquam sententiam contra Judæos prolatam, scidit vestimenta sua & indotus est sacco, spargens cinerem capiti suo, & cum ejulatu clamans animi sui amaritudinem ostendebat. In omnibus quoque provinciis, ad quas crudele regis dogma pervenerat, planctus ingens erat apud Judæos, jejuniū, ululatus, & fletus. *Esth. 4.*

Postquam Aman vidit Mardocheum tam magnifice honoratum, festinavit ad domum suam lugens aperto capite. *Esth. 6.*

Sanctus Job flevit pro miseris propriis. Versa est in luctum cithara mea, & organum meum in vocem flentium. Cujus fletus vehementia apparet per hoc, quod dixerat: Facies mea intumuit a fletu, & palpebræ meæ caligerunt. *Job. 30.*

Flevit idem pro miseris alienis: Flebam super eo quondam, qui afflictus erat, & compatiebatur anima mea pauperi. Et post: Merens incedebam &c. *Eodem.*

Rex & Propheta David habebat de lachrymis suis lavacrum: Lavabo per singulas noctes lectum meum, & lachrymis meis stratum meum rigabo. *Psal. 6.*

Fuerunt ei alimentum & potus. Fuerunt mihi lachrymæ panes die ac nocte. Potum nobis dabis in lachrymis in mensura. Et alibi: Poculum meum cum fletu miscebam. Unde versus vulgatus habet: Huic lachrymæ lavacrum, panis, potusque fuerunt. | *Psal. 41. Psal. 79. Psal. 101.*

S 5

Plo.



Ploravit etiam David vitam suam recolendo: Deus vitam meam annuntiavi tibi, posuisti lachrymas meas in conspectu tuo. *Psal. 55.*

Item cælestis patriæ recordando. Super flumina Babylonis illic sedimus & flevimus. *Psal. 136.*

Item orando Dominum: Exaudi Domine deprecationem meam, auribus percipe lachrymas meas. Et alibi: Floremus coram Domino, qui fecit nos. *Psal. 94.*

Videns Isaias destructionem populi sui, dicebat: Recedite a me, amare flebo. Nolite incumbere, ut consolemini me, super vastitate filiarum populi mei. *Isa. 22.*

Dixit Jeremias: Audite & auribus percipite, nolite elevari, quia Dominus locutus est. Sequitur: Quod si hoc non audieritis in abscondito, plorabit anima mea a facie superbia. Plorans plorabit &c. *Jerem. 13.*

Copiosi fletus in Jeremia ipso signa erant multæ lachrymæ. Quis dabit capiti meo aquam & oculis meis fontem lachrymarum. *Jerem. 9.*

Item & multi gemitus: Idcirco ego plorans, & oculus meus deducens aquam. Sequitur: Multi gemitus mei, & cor meum mœrens. *Thren. 1.*

Et clamosi singultus: divisiones aquarum deduxit oculus meus. Sequitur: Ne avertas faciem meam a gemitu & clamoribus. *Thren. 3.*

Et oculorum defectus: defecerunt præ lachrymis oculi mei, & conturbata sunt viscera mea. *Thren. 2.*

Ego

Ego Daniel lugebam trium hebdomadarum diebus, panem desiderabilem non comedi, & caro & vinum non introierunt in os meum. *Dan. 10.*

Flebant amici Susannæ, cum viderent presbyteros adversus eam testimonium prolaturos, & ipsa etiam fletus in cælum; erat enim cor ejus habens fiduciam. *Dan. 13.*

Antiochus fecit in Jerusalem eadem magnam hominum, & factus est planctus magnus in Israel, & omnis maritus sumpsit lamentum, & quæ sedebant in thoro maritali, lugebant. *1. Mach. 1.*

Planxit Israel planctu magno, pro morte Mathathie. *1. Mach. 2.*

Fleverunt omnes de Israel Judam Machabæarum planctu magno dies multos, dicentes: Quomodo cecidit potens, qui salvum faciebat Israel. *1. Mach. 9.*

Interfecto Jonatha, & duobus filiis ejus cum mille viris, quos retinuerat sibi, a Tryphone, luxit Israel luctu magno. *1. Mach. 12.*

Contristatus est Antiochus propter iniquam mortem Onie, & flexus ad misericordiam, lachrymas fudit, & recordatus est defuncti sobrietatem & modestiam. *2. Mach. 4.*

Occisus bimatis pueris per Herodem, impletum est, quod dictum est per Jeremiam prophetam: Vox in Rhama audita est, ploratus & ululatus &c. *Matt. 2.*

Pa.

Pater pueri lunatici exclamans cum lachrymis, agebat: Credo Domine, adjuva incredulitatem meam. *Marc. 9.*

Maria Magdalena legitur ter flevisse: primo pro peccatis suis ad pedes Domini: secundo pro morte fratris: Tertio pro passione Domini. *Luc. 7. Joan. 11, 20.*

Salvator noster invenitur tribus vicibus lachrymas fudisse, super Lazarum, quem ad mortalem vitam revocabat. Super Jerusalem civitatem, quam propter peccata destruendam sciebat. Et in cruce, quando seipsum pro mundi peccatis hostiam offerebat, ut ait Paulus: Preces cum lachrymis & clamore valido offerens. *Joan. 11. Luc. 19. Hebr. 5.*

Post negationem tertiam Petrus egressus foras, flevit amare. Sed nota, quod Lucas premissit, dicens: Respexit Dominus Petrum. *Luc. 22.*

Euntem Dominum ad crucem sequebatur multa turba populi, & mulierum, quæ plangebant, & lamentabantur cum, *Luc. 23.*

Paulus Apostolus cum lachrymis Domino serviebat; ait enim, cum valediceret fratribus: Vos scitis, qualiter vobiscum per omne tempus fuerim, serviens Domino cum humilitate & multis lachrymis. *Act. 20.*

Item cum lachrymis proximos monebat, & ipsos ad lachrymas provocabat: Per triennium, ait, nocte & die non cessavi cum multis lachrymis, monens unumquemque vestrum. Sequitur: Magnus fletus factus est. *Act. 20.*

Item

Item cum lachrymis scribebat epistolas: ex multa tribulatione & angustia cordis scripsi vobis per multas lachrymas. Multi ambulabant, quos sæpe dicebam vobis, nunc autem flens dico. *2. Cor. 2. Philip. 3.*

Et ad Romanos ait: Spiritus postulat pro vobis gemitibus inenarrabilibus. Tales autem gemitus non solent esse sine fletu. *Rom. 8.*

Cum advenisset Petrus in Joppen, circumsteterunt eum omnes vidue flentes, & ostendentes ei tunicas & vestes, quas faciebat illis Dorcas. *Act. 9.*

### Liberalitas & misericordia.

**R**ebecca, filia Bathuel, valde liberaliter respondit famulo Abraham dicens: Bibe Domine mi. *Gen. 4.*

Liberaliter egit Moyses defendendo filios Jethro a pastoribus, qui eas adquare pecora non sinebant. *Exod. 3.*

Audiens Moyses quod focer suus Jethro veniret ad eum, egressus est in occursum ejus, & ipsum multipliciter honoravit. *Exod. 18.*

Filii Israel mente promptissima atque devota obtulerunt, ad faciendum opus tabernaculi, & quicquid ad cultum & vestes sanctas erat necessarium. Et sequitur: Artifices compulsi dixerunt Moyse: Plus offert populus, quam necessarium est. *Exod. 36.*

Petit Moyses a rege Edom: Obsecramus, ut nobis transire liceat per terram tuam, non ibi-



ibimus per agros, non per vineas, nec bibemus aquas de puteis. *Num.* 20.

Gedeon petiit a viris Socoth & Phannel panes pro commilitonibus fatigatis, qui dare renuerunt. Sed male utique accidit eis. *Judic.* 8.

Nabal illiberaliter se habuit ad David patientem aliquid sibi dari. *1. Reg.* 25.

Obtenta victoria de Amalecitis, David misit dona de præda senioribus Juda proximis suis, dicens: Accipite benedictionem. *1. Reg.* 30.

Præcepit David, ut Miphiboseth comederet panem in mensa sua semper, & totam domum Saul dedit ei. *2. Reg.* 9.

Fugienti David a facie Absalon, Sobi, & Machir, & Berzellai octulerunt ei multa exercitui necessaria, frumentum, hordeum, farinam. *2. Reg.* 17.

Qui Berzellai assistit David, quando fugiebat Absalon filium suum, obtenta David victoria, retinuit filium illius de familia sua. *2. Reg.* 19.

Regina Saba multa obtulit Salomoni, & Salomon dedit omnia, quæ petiit, exceptis his, quæ ultro obtulit illi munere regio. *3. Reg.* 10.

Quidam boni viri de Israel captivos Judæos vestierunt, & illos, qui ambulare non poterant, imposuerunt jumentis, & duxerunt ad fratres eorum. *2. Paral.* 28.

Rex Cyrus protulit vasa templi Domini, quæ tulerat Nabuchodonosor, & remisit ea in Jerusalem.

salem. Fuerunt autem vasa aurea, & argentea quinque millia quadraginta. *1. Esd.* 1.

Redeuntes de Babylone filii Juda, obtulerunt sponte secundum vires suas ad extruendam domum Domini. *1. Esd.* 2.

Præcepit rex Darius, ut ædificaretur in Jerusalem domus Dei, & darentur sumptus de arca regis, licet quidam æmuli opus impedire per litteras laborarent. *1. Esd.* 6.

Gloriosam & liberalem epistolam dedit Artaxerxes rex Neemiæ sacerdoti, venienti in Jerusalem ad consolandum Judæos. *1. Esd.* 7.

Rex Artaxerxes liberaliter se habuit ad Neemiam venientem in Judæam, & dedit ei epistolas, quales petierat. *2. Esd.* 2.

Neemias valde liberalis legatus, qui populum annona & exactionibus non gravavit, & his ad quos venit, plurima bona fecit. *2. Esd.* 5.

Tobias omnia, quæ habere poterat, concaptivis fratribus, qui erant de genere suo, impertiri studebat, esurientes alebat, nudisque vestimenta præbebat. *Tob.* 1.

Raguel tradidit Tobie juniori substantiam suam usque ad dimidium, ad Saram filiam suam. *Tob.* 10.

Tobias junior multum fuit gratus Raphaeli, quem hominem putabat, & valde bene recognovit beneficia, quæ ab eo receperat. Et exinde pater & filius mediam partem omnium bonorum illi liberaliter obtulerunt. *Tob.* 12.

Rex Assuerus iussit præparari convivium permagnificum, pro conjunctione & nuptiis Esther,

her, & dedit requiem universis provinciis, ac dona largitus est juxta magnificentiam principalem. *Esther. 2.*

Videns Esther reginam rex Assuerus dixit ei: Quid vis Esther? quæ est petitio tua? Basi dimidium partem regni petieris, dabitur tibi. *Esther 5.*

Quæsit rex Assuerus, quantum honoris ac præmii consecutus esset Mardocheus pro fide, quam erga ipsum servaverat. Cumque intellexisset eum nihil accepisse mercedis, fecit eum magnifice honorari. *Esther. 6.*

Filii Job facientes convivia, unusquisque in die suo, vocabant sorores suas, ut comederent, & biberent cum eis. *Job. 1.*

Pium & misericordem se fuisse ad pauperes, ostendit beatus Job, dicens: Cor viduæ consolatus sum, pater eram pauperum. Item: si comedi buccellam meam solus, quia ab infantia mea crevit mecum miseratio. *Job. 29. & 31.*

Magister militiæ regis Babylonis dedit cibarum & munuscula Jeremiæ, & dimisit eum, quocumque vellet ire, promittens ei multam humanitatem, si vellet cum eo Babylonem pergere, & nihilominus dedit ei liberam facultatem remanendi. *Jer. 40.*

Seleucus Asiæ rex, de hæreditatibus suis, tempore Oniæ summi pontificis, præstabat omnes sumptus ad ministerium sacrificiorum pertinentes. 2. *Mach. 3.*

Apertis thesauris suis, non parvis loculis, in quibus oboli reponuntur, obtulerunt Magi Do-

Do-

Domino pauperi aurum, thus, & myrrham. *Matth. 2.*

Magnificus & largus remunerator Dominus est, qui relinquentibus propter eum temporalia bona reddit centuplum in hoc sæculo, & vitam æternam in futuro. *Matth. 19.*

Ex pia liberalitate proveniebat, quod Dominus discipulos spicas vellentes sabbatis, & manibus confricantes contra Pharisæos maledictos defendebat. *Matth. 12.*

E fonte liberalitatis dimanat, quod Dominus peccatores ad convescendum, ad colloquendum, & osculandum admisit de populo, ut patet Matthæi 9. & Lucæ 5. *Luc. 5. Matth. 9.*

Item & de illis publicanis peccatoribus, qui appropinquabant ad eum, ut audirent illum. Et de Zachæo. *Lucæ 19.* Exemplum quoque de Maria, quæ osculabatur pedes ejus. Item & de Juda, propter quod benignitatis signum infelix citius respiscere debuisset. *Luc. 15, 19. Luc. 7. Matth. 26. Marc. 14.*

Sevitate sunt turbæ pedestres Dominum Jesum de civitatibus in desertum. Vespere autem factæ diserunt ei discipuli. Dimitte turbas, ut euntes emant sibi escas. Ipse vero tanquam liberalis respondit: Date illis vos manducare. *Matth. 14.*

Distribuendo & restituendo largus fuit Zachæus, cum dixit ad Dominum: Ecce dimidium honorum meorum do pauperibus, & si quæ aliquem defraudavi, reddo quadruplum. *Luc. 19.*

Hanapi Exempla.

T

Do-



Donum pauperulae viduae, quae misit duas ara minuta in Gazophylacium, praefertur a Domino muneribus divitum. *Luc. 21.*

Valde liberalis fuit Dominus latroni pendenti & petenti: Memento mei, cum veneris in regnum tuum. Et dixit illi Jesus: Amen dico tibi, hodie mecum eris in paradiso. *Luc. 23.*

Benignitatem & liberalitatem dignatus est Dominus ostendere, quando vocatus ad nuptias pauperes ivit, & ibidem aquam in vinum convertit, ut exhilararet pauperes discumbentes. *Joan. 2.*

Magna Dei liberalitas apparet in illa similitudine de servo nequam, cui dixit Dominus: Omne debitum dimisi tibi, quoniam rogasti me. *Matth. 18.*

Joseph, qui cognominatus est Barnabas, cum haberet agrum, vendidit illum, & attulit pretium, & posuit ante pedes Apostolorum. *Act. 4.*

Audientes discipuli, qui erant Antiochiae, quod fames futura erat in universo orbe, proposuerunt in ministerium mittere habitantibus fratribus in Judaea. Quod & fecerunt, mittentes per manus Barnabae & Saulis. *Act. 11.*

Quaedam mulier purpuraria, nomine Lydia, baptizata ad praedicationem Pauli, valde liberaliter & devote rogavit, imo coegit Paulum & socios suos manere in domo sua. *Act. 16.*

Cum evassent Paulus & socii de navi fracta, tempore hyemali, Barbari non modicam humanitatem praestabant eis: Accensa enim pyra  
refi.

reficiebant eos, propter imbrem, qui imminabat, & frigus. *Act. 28.*

Publius princeps insulae Melitae, ad quam Paulus & socii ejus post tempestatem venerunt, suscipiens eos, triduo benigne se eis exhibuit. Paulus autem patrem ejus, febribus, & dysenteria laborantem, sanavit. *Eodem.*

Apparet, Paulum erga pauperes valde liberalem fuisse, quorum negotia tam sollicitè procurabat, ut patet de collectis, quas diligentissime fieri faciebat. Si digoum fuerit, ut ego eam, mecum ibunt, ait: Er: qui parce seminat, parce metet. *1. Cor. 16.*

Mirae liberalitatis & gratitudinis fuit exemplar in Paulo, qui pro Onesimo servo Philemonis fugitivo scripsit litteras tam affectuosas efficaciæ & devotas, ut patet in epistola: Si habes me socium, ait, suscipe illum, sicut me. Si autem quid nocuit aut debet, mihi imputato. *2. Cor. 9. Ad Philemonem.*

### Liberorum eruditio.

Audiens Jacob somnia Joseph, increpabat eum, ne contra se fratrum suorum invidiam suscitaret. *Gen. 37.*

Negligentiam filiorum arguebat Jacob audiens, quod alimenta venderentur in Aegypto. *Gen. 42.*

Blasphemus in eremo lapidatus fuit, filius mulieris Israelitidis, de viro Aegypto generatus.

tus. Tales enim filii male frequenter instruuntur. *Levit. 24.*

Præcepit Dominus per Moysen, ut filii Israel docerent filios suos ea, quæ ipsi viderant. *Deut. 4.*

Contuma: filius & protervus, & parentum imperio obedire contemnens præcipitur a Moyse per populum lapidari. *Deut. 21.*

Heli sacerdos male corripuit filios suos, & ideo tam ipse quam illi sunt a Domino puniti. *1. Reg. 4.*

Adonias filius Haggith male fuit a patre suo David correptus, & ideo in superbiam elatus regnare voluit, sed tandem a fratre suo regnante occisus fuit. *3. Reg. 1. & 2.*

Appropinquans ad mortem David, diligenter instruxit Salomonem filium suum, qui regnare debebat post eum. *1. Paral. 28.*

Tobias senior filium suum ab infantia timere Deum docuit, & abstinere ab omni peccato. Deinde, cum se cito crederet moriturum, pie & salubriter instruxit eum. Similiter fecit instans morte sua. *Tob. 1. 4, 5, & 14.*

Parentes Saræ uxoris Tobiae junioris dimiserunt ire filiam suam cum viro suo, monentes eam, honorare foceros, diligere maritum suum, regere familiam suam, gubernare domum, & se ipsam irreprehensibilem exhibere. *Tob. 10.*

Magam sollicitudinem gerebat Job de liberis suis, qui cum simul comedissent, offerebat

holo-

holocausta per singulos dies, ne forte peccassent. *Job. 1.*

Parentes Susannæ, cum essent iusti, erudierunt filiam suam secundum legem Moysi. *Dan. 13.*

Cum appropinquaret morti Mathathias, filios suos salubriter instruxit, & contra impios animavit. *1. Mach. 2.*

Supra modum mater mirabilis, quæ patientes septem filios sub unius diei tempore conspiciens, singulos hortabatur pia voce dicens: Nescio, qualiter in utero meo apparuistis &c. *2. Mach. 7.*

## Luxuria.

Peccatum carnis præcipua videtur fuisse causa, propter quam Dominus diluvio deleverit mundum. Dicitur enim: Omnis caro corrumperat viam suam. *Gen. 6.*

Hoc etiam fuit causa horribilis incendii Sodomæ. *Gen. 19.*

Nota, quot & quanta mala evenerint pro ardenti amore Sichem filii Emor, qui violenter Dynam oppressit. *Gen. 34.*

Luxuriosi quandoque luxuriam in aliis detestantur, ut patet de Juda, qui dixit de Thamar: Producite eam, ut comburatur. *Gen. 38.*

Occasione uxoris Levitæ a viris Belial in Gaba Benjamin, incredibili libidinis furore vexante, occisa sunt plus quam 60000. hominum. *Judic. 20.*



Isboseth filius Saul redarguit Abner, qui ingressus fuerat ad concubinam patris sui. Abner autem iratus super hoc procuravit ei auferre terram, & cito post amisit uterque vitam & patriam. 2. *Reg.* 3. 4.

David captus amore Bethabæ uxoris Uriæ, cum illa adulterium commisit, & cum prodicione homicidium perpetravit. 2. *Reg.* 11.

Stetit Judith ante faciem Holofernis, concussus erat cor, ardens ipseus in concupiscentiis. *Judith.* 12.

Dixit angelus Tobie juniori: in eos, qui conjugium ita suscipiunt, ut Deum a se & a mente sua excludant, & suæ libidini ita vacent, sicut equus & mulus, habet potestatem demonium. Quid ergo est de fornicatoribus, qui nihil aliud intendunt, nisi fœdam suam explorare libidinem? *Tob.* 6.

Dua senes presbyteri ita fuerunt amore Sufannæ decepti, quod, quando illa voluntatem eorum facere recusavit, mortem illius procurare conati sunt. *Dan.* 13.

Tempore Antiochi, templum luxuria & comestationibus gentium erat plenum, & scortantium cum meretricibus, sacratisque ædibus mulieres ultro se ingerebant &c. 2. *Mach.* 6.

Occasione Herodiadis, quam contra legem duxerat Herodes, Joannes Baptista decollatus fuit, ad instantiam peccatricis mulieris. *Matth.* 14. *Marc.* 6.

Spiritus immundi loca immunda diligunt, unde rogaverunt Dominum Jesum, ut permitteret

teret eos intrare in porcos, non in boves vel agnos, quæ sunt animalia munda. *Matth.* 8.

Inter illos, qui vocati sunt ad magnam cenam, nec iverunt, ille, qui uxorem duxit, non petiit se excusatum haberi. Per quod patere potest, quam longe sint a cœna Domini luxuriosi homines & immundi, si ducere uxorem ita hominem implicat & involvit, quod quasi nihil aliud cogitare sinit. *Luc.* 14.

Exemplo filii prodigi, qui dissipavit substantiam suam vivendo luxuriose, patet, quod id peccatum depauperat. Unde dicitur: Cœpit egere. Item vilificat naturam. Sequitur. Quod ipse pascebat porcos &c. *Luc.* 15.

Item non extinguit ardorem libidinis, sed accendit: dicitur enim ibi: Cupiebat implere ventrem suum de siliquis, quas porci manducabant &c.



## M.

## Magia.

Coram Moyse & Aarone confunduntur magi & malefici in Ægypto; virga enim Aaron devoravit virgas eorum. Quin & ipsi ulceribus percussi coram Moyse stare non possunt. *Exod.* 7. 11.

Magi in Ægypto cum omni sua arte non poterant producere scinphes: argumentum evidens,